

盤洲文集

三

代廣東帥屬謝帥啓

問津黃木之灣甬窺官海覽籍紅蓮之府仰之思波
即尸素以懷憂最殺青而通謝伏念某稟生椎魯探
道艱難拜千佛之經莫能趾美聯五星之集有蜺齊
稱學書既已不成爲器遂同無用溫塵官簿空積歲
蹕因定省於親闈遂徘徊於炎嶠歎庸材之墮面筮
臚仕以灰心臨淵羨魚初覬叢祠之末秩乞漿得酒
乃叨戎幕之下陳徒誦過庭之詩未閑作吏之事無
片長可勝任使奈狹見不足激印非賴包容難逃汰
斥恭惟某官雕龍傳學雌霓垂光斐妙譽於簪紳補
嘉謀於帷幄課先撫字聿高使竹之分志在澄清克
受皇華之遣若佩十連之寄歷提五管之封里詠塗
歌已洽袴襦之樂山行海宿寂無枹鼓之鳴宜錫詔
綸入持從橐豈令賤子久託餘輝某率爾彈冠欣然
望履見父之執方自躍於鑪錘御衆以寬願少私於
轡策

代高要丞上鄭守啓

餽口四方晏發彈冠之請庇身大邑叨居跡筆之官

正結想於高牙輒露情於小牘伏念某學初茅塞識
遂暮昏語率反於三隅能不名於一藝白駒過隙雖
抱子以何知黃金滿籬在傳家而有赤亦嘗諾仕纔
得奉祠方九重天遠念於澤南故舊尚戶縣皆爲之立
貳首今攝事未通爲政之經足以送窮不勝負公之
媿越起欲進宸曠是憂仰庇卿雲豈無道地此蓋某
官鵬圖擊海鶴瑞鳴臯獨鍾喬嶽之暉共推清廟之
器若都顯職大播休聲瑞既協於夢刀仁即揚於贈
扇茲茲王者之氣夙重潛藩廩廩君子之風聿追顯
祖惟陂量兼容於弱吏庶無生得視於顰丞某整楫
非遙執鞭可異自思牛馬之走無所取材甫親鴈鷺
之行敢不盡力

代封州簽判謝帥啓

餽口遐方晏發彈冠之請庇身近郡叨爲入幕之賓
仰戴厚恩敢通小牘伏念某學初茅塞識遂暮昏語
率反於三隅材不名於一藝白駒過隙雖抱子以何
知黃金滿籬在傳家而有赤亦嘗卜仕纔得奉祠頃
辱外臺俾丞大邑偶黃茅之感瘴致行李以愆期仰
惟元老之尊獲遇丈人之行進瞻步武幸披霧於公
曲賜齒牙遂回春於寒谷殆類塞翁之失馬自驚

龍伯之得菴惟有感銘莫知論報此蓋某官包羅間氣貫綜多聞闢紫闥之榮途贊黃樞之密議始居輔郡無庶民愁恨之聲暨擁使軺有天下澄清之志遂臨八柱即詠兩岐旋出綽於西垣迺建麾於東廣寬猛相濟蔑懷市虎之疑剖決如流不事淵魚之察俯憐窮蹙遂致僥逾某不虞畏簡書力鞭駑鈍量長校短雖無尺寸之能抱公威私或覲涓埃之効

代謝吏部李侍郎啓

把麾五領已銷西道之聲出綽九重復玷東偏之寄裝懷增懼揣分知歸伏念某業守青箱用慚亦箭賣刀買犢荐辜銅虎之分輓粟飛芻未達木牛之運收人久矣奏課缺然恐獲戾於備員忽拜恩而更治仍躋延閣併寵襄蹤此日集衙無聞名之龍戶它時報政空貽辱於羊仙僥倖如斯吹噓有自此蓋某官量侔山藪識蘊著龜蚤知藉稻之文獨富梨花之論主刑仁恕議者謂過于張典選清平人曰後有盧李夙懷推輓共賴主盟惟曲賜於品題致連叨於任使某自闕星躔之覩屢驚斗柄之移歎水易心益厲吳公之操薄征疎目仰師韓子之言

宮使梁尚書啓

某官生逢慶會譽滿華塗有燭照龜卜之明兼地負海涵之量得劉晏之取予任蕭公之轉輸足用地官斗筭之徒何算也伸威天府銖兩之姦皆知之蚤職於寶儲暫均休於珍館獨司推輓共賴主盟載惟兒技之窮夙受鸞書之薦傳之羽翼賜以齒牙獨私華袞之榮猥遇高山之聽致叨任使盡出吹噓某敢不拔薤抑強酌泉厲操可繼宋璟盧象昇仰前芳失之子羽寧子益慙厚遇

福州張侍郎啓

某官量賦登閣識周賈竊味道腴於七略包文體於百家曲臺高稷嗣之除起部違郎潛之列益崇畫接疊慶歲遷內舞舜干仰仁天而簪筆出懷蘇印治惠露以隨車積有功名著于中外撞牙桂管嘗復借於冠君徒節閩川歌晚來之賈父自顧散樗之賈夙游棲鳳之林惟接武之好尤深故推轂之言益過致叨推擇有辱品題某心係重階誠殫小墮準程前哲欲厲操於貪泉寤寐清規庶免愆於官海

回李惠州啓

伏審懷章去國式臨夙戌之期森戟專城將浹棠陰之訟遐萌相語慈父斯來伏惟某官德宇粹溫風規

高劭蚤擢奉常之第宜居著作之庭既在再於歲年尚棲遲於簿領以名字而典郡允得循良有方略以爲民自然富庶治行事追於召杜歡聲將軼於羅浮某頃接班聯浸駸顏采方喜戒途之報已勤削牘之音書細十行即遠盼於襄詔河潤九里猶少借於餘波

問李虔州啓

把麾五領已銷西道之聲出綈九重復玷東偏之寄甫恭朝夕遙問寒溫某官學富家傳言推世則自奉專城之計遂深當宁之知刺史省以六條夙稱桂海天下號曰八俊益振荆湘來司章貢多權兼用黃韓之化紀綱大舉謳頌載騰爲官乎爲私乎絕貪殘於一問行山者行澤者熄椎剽之群驚治已踰於御屏寵將持於從臺某受材甚下任職無長方軫慮於謹何忽冒榮於推擇退惟僥倖端出品題念平生雲霧之披獨彼此參辰之闊雖烹魚狎至有踰從事之賢而覩鳳後期未降君子之見每迴迴而結想空蹈景以興懷比獲守於郡封迺密切於鄰實相依脣齒願投分於蘭金敢布腹心幸據誠於藥石

謝溫南劍啓

把麾五領已銷西道之聲出綈九重復玷東偏之寄顧薄材而知懼枉榮問以增慚此蓋某官學博書倉識窮理窟蚤擢奉常之第旋陪中秘之游武成之策二三盡讎譎諂爲之罄十六能考異同已垂上於雲霄迺遠分於符竹物華天寶神龍潛合劍之津里詠金歌黃犢化佩刀之俗夙保歲寒之契獨私月旦之評遂致迂踈猥叨推擇某聯離久矣瞻邇著然書記翩翩若高談之對面故人戀戀莫清誨以傾心

回陸全州啓

朽質叨榮已佩五羊之印高情養喜復貽雙鯉之書謙謙仰君子之風戀戀深故人之意某官機雲家世召杜材猷熱履清香寂棠陰之少事鸞溪豪族無難本之可除當翔翔金馬之間豈留滯銀菟之父某馳心英矩引脰崇壖遠矣嗣音願瓊瑤之何報使之免戾幸藥石之不忘

回蔡學士賀生日啓

侵尋晚景知牛斗之不神煥爛彫章仰參辰之相比倍最深仁之眷益增初度之光恭惟某官瑞企清明氣涵剛大表表出塵之逸韻英英秀世之芳規隱帙奧篇讀黃香未見鴻詞麗藻稱王翰之可珍父肆

志於林泉自怡情於風月夙蘊愛人之德獨存介壽之心俯爲初生欲其難老一言假借或松柏之後彫十襲秘藏願瓊瑤之匪報

回湖南韓總管狀

五領作藩已銷聲於西道九重錫命遂更治於東偏一記室之未通迺書郵之先及某官識探李法名擅花卿國士無雙有登壇之鼻祖一人當百多戰野之膚公輕裘久撫於龍川精甲暫屯於鄂渚顧惟蘇薄方媿叨逾探筆視然莫報翩翩之問接辭遠甚空深耿耿之思

回知州惠生日詩狀

定三百六旬之曆會遇生朝知四十九年之非侵尋晚景曲荷松倚之祝光垂李杜之文伏惟某官撫字知名中和興詠聽訟美甘棠之慈勸耕傳岐麥之歌性不違仁語皆揚善其詩孔碩壽欲俾之熾昌何德以堪榮但沐於藏去

回趙新州狀

竊審影纓西笑小連象閣之行理橐東來暫攝魚符之事先勤榮許足見高情伏以某官名擅宗英才推國器九流索隱能讀河間之書千佛聯芳同射平津之

策彙傳諾仕已歷專城置任榮之孟清哉若水贈宏之扇仁者宜風行將擊拊之間猶限蓋簪之阻

回廣西帳幹狀

半年懷舊常望岫以馳心千里寄聲若飛談而對面深銘永好采激私情某官韻秀朱霞才淹綠水傳幕中之辯是謂能官流地上之錢共推善計念斯遠別失我良朋枉蕪牘之鱗鯉報章之草草

回潮州沈通判狀

竊審拜恩中禁養治偏城枉雲翰以見詒傳星屏之甫至某官聯橫許郭方駕曹劉譽擅價於俊躔久韜光於仕路居展驥之任寄寔重於監州誦訓鱣之文功正煩於康海念聞名之有素賢會面之未能不腆報章奚酬雅眷

回鬱林知州狀

睽闊清談屢閱飛葭之變周旋雅好遠承裁楮之臨某官養氣渾雄存心撫字此時稟詔賜黃霸以兼金它日歸舟載陸君之一石念披瞻之未再徒結約以弥深

回周貴州謝到任狀

竊審承流鑿水旣拜魚書攝事貴川已懷羣印某官

風儀清整器局沉深歌麥兩歧前乎既聞耳矣拔薤一本今者復盡心焉即有襄綸入登華綴曲枉翩翻之遺第慚草草之酬

回趙賀州謝仕滿狀

竊審解龜古郡鞭鳳亭衢曲垂問計之勤益佩論交之厚某官材推標的學載本原比及三年已見與求之政統如五鼓不勝挽擲之情名已列於御屏榮即躋於省闈邀爾承顏之便悵然引脰之私

回范總幹狀

竊審流恩雲闕列屬星臺已協吉於戌瓜遂寄聲於行李某官風儀秀峙器宇淵深有家學之相傳更更材之是似足兵重鎮吐計畫於幕中退食私閤奉皇華之膝下增益過庭之誨軒騰當路之知念昔桂林寔望蓮府睽離既久瞻邇靡忘情非鹿鹿之交禮重難辦之貺

回汪經幹謝舉削狀

征茅引類實採公言擢藻鳴謙難當私謝某官淵源賦學通敏呈材久贊父臺又屈紅蓮之佐尚淹小選未高碧落之飛寶雖識於照車言媿輕於推轂曲承榮許深載勤情

回石縣尉狀

竊審青錢中選黃綬榮歸喜動親闈光生里閭某官識探理窟學富詞源廣陞臚傳共仰鵬鵬之化遐方諾仕難淹騏驎之馳益載休聲遂階要路未皇贊喜已辱貽緘

回封州教授狀

竊審公時蠲吉并泮恢文枉兼廣以見詒佩高情之良厚伏惟某官學能日益辭不雷同早聯千佛之名已得群公之譽當聖主大崇儒術故遠方皆置學官坐絳帳以談經少煩模範登金門而奉詔即見羽儀懷雅論以傾馳媿報章之崖略

回鄭德慶啓

竊審聲鳳著靡侯造朝吉語載馳復欣典郡方一麾之宣布宜千里以謳謠某官西都循吏之孫元祐名臣之世論議共推於魁壘典刑可見於老成未攬經國之材獨紀牧人之効向來剖竹乃

先帝之潛藩今日慈寧又

吾君之舊邸惟兩城之相接在五領以稱雄必有異能遂看襄渚某班荆未幾紆軫已深聲迹相聞斯不踰於數驛簡書可畏尚有賴於餘波

回陳英州狀

比承謙誨欲得剡章寔循三尺之文重屈雙函之禮
某官彰名鴈塔鏐采藍田麥秀兩岐已謫聞於善政
河潤九里更密借於餘波將滿秩以趨朝遂正名於
典郡難虛爵里之辱漫備銓曹之須豈題拂之敢云
益扶搖之可俟

回潯州知州狀

遠踰五嶺榮把一麾得之派間無不稱頌某官包淵
深之度負超卓之材既問政於蓋公欲追蹤於召父
沛隨車之甘雨惠愛無私揚贈扇之仁風芬芳大播
行當簡拔夫豈淹徊念久講於英聲曾未陪於雅論
頃傳得郡將期王事之同偶玷移藩遂有鄰封之隔
聊通柔削莫報珍題

盤洲文集卷第五十四



盤洲文集卷第五十五
賀廣西向運使啓

伏審出綸內闕乘傳外臺騰公使之風聲威行荆渚
指二天之星次光燭桂林朝野僉諧江山政觀某官
韜藏遠業充牣多聞才擢隨和擅當今之奇實聲諧
韶漢傳上古之雅音飽說吏師獨優才具政嘗喧於
歌袴名屢振於埋輪尚遲金馬之游復領木牛之寄
用知取予維出入錢穀幾何志在澄清豈奉行文書
而已寧容煖席即見賜環某夙綴末文浸睽英範偶
剖竹有善鄰之賴更揚糠粃深前事之慚敷杜論心徒
起仰高之恨裁緘寫抱莫酬問訊之勤

回劉肇慶啓

伏審瓜時而往懷印綬以臨州穀旦于差擁車轡而
夾道厥初班錄威有謳吟伏惟某官學考聖賢聖尊
耆舊試吏見慈祥之政濟時懷超卓之材出魚契於
九重鎮龍藩之千里昔襦今袴已騰蜀郡之謠右弼
左餐可遂蔡人之樂行將促召夫豈久留某近枉高
軒遂承英範唯鄰是卜幸借潤於靈河無言不驕聊
嗣音於芳牘

賀胡提舶交割啓

伏審戴星叱馭消日視章咸屬耳於前騶獨驤肩於英矩伏惟某官居今行古肆外閔中裂支製於塵埃久臍膺仕分召溪之風月屢養名藩遂將五嶺之權盡幹萬商之貨允謂濟時之度斯多航海之珍即恐賜環豈容暖席某自聆顯綽賞貢柔緘喜聞持節而來時乃把麾之幸萬事不理待伯始而可知一坐盡傾傳孟公之將至更期冲齋式副瞻翹

賀余虔州啓

伏審疏恩中禁作鎮雄藩城郭重來指繡衣之理所兒童相記騎竹馬於道周初布教條側聆謳頌恭惟某官圭璋寶器杞梓良材家學相傳無歆向異同之論儒名夙就少甘奇顯赫之年復掉鞅於魏科浸著鞭於要路臺綱大振獨高屈軼之名郎位有光嘗拜諭摩之賜迺駐軍於章貢革珥筆於筠束已見澄清復將漕輓方遑錫而奉計又分虎以牧人所至移風不事縫裾之策自公退食更多戲采之榮既久習於民情宜易臻於治效即頒綸綍歸侍冕旒某偶玷郡麾獲依鄰燭號五雲體雖屢枉郇公之書封萬戶侯恨未識荊州之面

賀沈提點啓

伏審榮錫天書寵持星節立九府之圖法久訪能臣專三官於上林外兼數路邸音既洽時望收歸恭惟某官英偉賦才淵閎置度糴糴不膠於紙上官商皆起於筆端軟掌魚符有淮人之孺慕規恢驪駕無漢士之色飢益懸簡知果膺顯擢廣攬纒登車之寄摠治銘炊炭之司權子母之重輕少煩心計接變龍之步武即聽復聲牙自闔台躔屢移斗柄皇華甚遠旅進退以未能蔭樾焉依大謫何而或免

回陸提舉啓

榮拜明恩進膺褒擢一麾出守輟近郡之股肱四牡載馳寄外臺之耳目郵音甫暨僉誦相歡恭惟某官德粹珩璜學敦竹帛雲間烜赫追入洛之清芬嶺表崎嶇偃說佗之雄辯自結冕旒之眷見稱耆敘之英久籍籍於仕途將駸駸於禁路朝廷深知治行連付虎符原隰遠有光華暫煩龍節即仰北溟之擊豕爲南越之留某幸綴親華遂依陰樾方捫襟而自喜將聽履之有期牒訴喧囂不敏寒溫之問山川跋涉願言相匕之調

回鄧漳州啓

拜恩丹宸宣化黃堂方增重於郡符已分輝於鄰燭
某官受梓卓偉函器宏深蚤發策於儒科旌濯纓於
朝路連得三刀之夢尚煩雙戟之臨雪白蘭薰獨廉
清之名顯風行草偃即豈弟以政成行遂陟明堂容
欽惠某爰通聲問未際色辭頃接鳳毛斯見義方之
訓遂勤鴈足益知謙德之光

回寶賀州啓

顯差穀旦榮煥棠陰凡千里之提封晉一詞而詠德
某官聯珠傳葉片玉呈材力睇青史之賢荐拜朱輪
之寵馬如羊而金如粟清節素傳乃買犢而劔買牛
遐萌丕變即看騷澤入蓬要班某久闕高標每懷餘
論借寶鄰之潤幸擊柝以相聞佩謙德之光媿濡毫
之不腆

回徐通判狀

承榮北闕受任南州篤雅眷以相先飾珎騰而見及
某官數材耀穎盛德照隣蚤馳黃綬之辭久載素絲
之節錢清橫浦謂盡展於鵬圖贊治三城又少煩於
驥足即聞改命豈復遠來念平昔之搖心獨差池於
會面偶分使竹喜傳半刺之賢尚隔瓜分恨失同寮
之便

回李惠州狀

竊審撫篆名郡靡辭南嶠之行差擇良辰已協東龜
之吉某官學充素蘊譽請清芬法仕棠水蒞之言略
黃霸米鹽之細豐湖足樂顧何羨於黠堂法坐見思
遂入翔於禁瑣少看游刃以俟追鋒某密通門闌無
縣談款亭瓜相接幸分餘燭之光行李海臨有媿雙
金之報

回權梅州狀

比以偏城關守僉議擇人果得循良往旌凋瘵辱華
緘之見及知善政之有爲欲腹供億之頃既能身率
不競追科之考更在力行

回南安知軍狀

聲聞擊柝如脣齒之相依情畫貲緘見肺肝之相示
彌敢能謙之德第增不敏之慚伏惟某官風規闡明
德宇宏達夙著素絲之節遂居畫戟之榮比屋爭傳
有去蝗之異政長城自衛却聚蟻之妖氛即聽嘉嘉
進班清切某搖心雖久識面未能方商律之告窮冀
黃堂之善葆

回劉通判狀

竊審拜恩東闕諾仕羊城共誇別駕之賢已作著鞭

之計某官材猷奮發襟襟粹醇早以畫於外臺即馳
芬於華轍歌功康海煩驥足之一來得志塵空看鳳
翰之橫絕雖平時闊半面之雅在難兄契同心之交
何幸為邦遂將縣事速勤芳詒不腆於報章時遇
薄寒冀自頤於旅食

賀田提刑啓

伏審寵拜恩綸榮將使指上方任德務臻禁網之寬
官必擇賢尤重憲臺之選英塵所暨僉論相欣某官
奎壁孕靈淵渾納度蚤策勛於鴈塔即接武於鵷行
六察去邪仁約張敢言之膽四知厲操陽城勞撫字
之心爰奉真祠少休故里忽顧卒哀亮而豐作雖郡
僚避難以宵奔獨追馮軾之風高出投機之計聚鱣
鯢於孤壘不使橫行庇簪笏之名家盡甘寧處旋致
靈旗之集弗稽蕭斧之誅迄能脫離於欸氛信有護
持之神物偃先聲於桂筦遠應二星迎異數於楓宸
行躋兩禁某離群之闊蹈景已深偶左契之託鄰將
漸餘潤幸繡衣之假道即際清標憑竿牘以據情冀
鼎相之垂意

謝陳經略啓

垂弘紀且慚學易之無聞削牘鑄辭辱過情之書祝

雅懷借重陋質生輝恭惟某官登臺呈材照隣蘊德
貫魯壁鄰家之讀播函京瀾岸之工八俊乘軺應景
星於高漢十連植纛洽惠露於遐明少借銀莞即班
玉笋夙厚合符之好曲私踰袞之褒記軫生初禮踰
望外俾爾黃髮欲三壽之作朋遺我綠琴願雙金之
何報

回南恩權州狀

竊審龜筮告猶魚符攝事榮華織而見遺知初政之
甚休某官心術疏通吏材英發盤錯迺彰於利器委
蛇見詠於素絲種韭一畦雅有澤民之志鳴絃千室
共推典郡之能少借剴裁以看潤飾願分携之未幾
在翹邇以彌深願實生經遂躋榮次

回衆教授狀

竊審拜恩帝宇分職教官枉汗竹以其勤知往爪之
已及某官學稱經筵等譽振儒林絳帳垂堂將應撞鐘
之問褒衣匣序可無鳴鼓之攻即對言綸遂榮朝敵
幸從容之有便異跡履之自頤

回德慶通判狀

受任題輿消辰視象提封千里講德一詞某官量賦
沉深材推敏妙嘗割雞而小試聊展驥而遠來風月

平分已期期於半刺雲霄闊步即騰躍於高衢方念語離遂勤遣評尚闕從容之便第增翹佇之思

賀林尚書啓

伏審寵拜耀章進都榮次天官其屬六十久虛常伯之尊武王有臣三千孰出鉅公之右絲綸所布簪紱謂宜恭惟某官學富盈科量深韜世追風枚賈能緯典以敷華發米隨和蚤席珍而待聘歷芹宮而假道陟柏寺以尊朝既接武於夔龍之間遂垂光於虹蜺之上臺綱克正時高三院之威諫草必焚名重七人之上長妙簡已隆於蠖濩祥輝迺燭於文昌望峻官儀上星辰而聽履私無賓謁指風月以飛談即踐台槐共爭邦本某忝官有守贊喜無因體號五雲屢枉鳴謙之誨侯封萬戶未降使觀之心

賀張洪州啓

出綸中禁換節大邦賓客鼎來臺下疑塵之榻山川改觀一新卷雨之簾開視象以敷和輒襲牋而贊喜恭惟某官梗枿聳壑奎壁垂芒和朴隨珠登席珍而待聘潘江陸海能授簡以聘妍若時題品之公自奮功名之會持貳卿之紫橐承密旨於黃樞備殫獻納之忠欲試藩宣之寄統如五鼓遂誼吳郡之謠願借

一年久欽桂林之惠莫府既移於閩嶠正堂曾問於蓋公眷益簡於帝心任復隆於方面令行數月已慰八州之人色比三台即迎一札之召某自續貂於曩日不對塵者六秋承乏連疆適借爪疇之潤指期就道庶披棠舍之陰商節盡其高牙樂只冀鼎裊之勿爽副簪紱之具瞻

賀呂桂州啓

列職蓬丘摠戎桂筦遠人相語潛銷佩犢之風輿誦收歸共起驂鸞之詠吉諧剛日歡動隣封共惟某官識妙倫魁材高肯綮種學遠窮於丘索吐辭皆中於宮商惠露霑濡最謳吟於名郡華星輝赫聳風采於外臺方清朝久戢於干戈故重鎮分屯於介冑足食政勞於心計列城咸肅於指撝遠勤頒牧之謀難屈管蕭之寄遂班內閣來填南垂莫府雄開初笑談而綬帶居吐安作不愁歎於無襦即迂賜環未容煖席某情深引脰願再承顏揚袂居前既自慚於陳迹灌瓜甚羨遂有賴於餘波

賀張福州啓

名簡帝心仕隆方面高牙大纛最九牧以橫飛綬帶輕裘挹三山而坐嘯政新視象喜浹提封恭惟某官

嵩公稟暉滯澠納度材高盤錯擅多多益辦之稱卽
賁險夷玩蹇蹇匪躬之象滯蹇蹇華貴者趨功足用
版曹妙幹貨泉之柄耘強圭甸稀聞抱鼓之鳴旣晝
接之益章宜歲遷而感允書殿極儒紳之貴齋壇分
將鉞之雄義漢上流有賴長城之扞豫章大府久宣
慈父之誥拜寵自天揔戎易地惟閩粵東甌之俗本
會稽南郊之疆邇今日之上都迺一時之重鎮民其
幸矣公實臨之少煩統御之良卽叶都俞之會某自
睽巖電翼閱秋霜竊食海瀕復借光於鄰燭馳誠門
仞敢贅喜於書郵願言桐鼎之調式副紳綬之望

賀黃提刑啓

渥對綸言榮將使指上方任德務臻林網之寬官必
擇賢尤重憲臺之選馳聲舊部聳望遐萌恭惟某官
學探九丘文長三變黃鍾大呂參嶠律以含和北斗
泰山偃儒紳而蹈景蚤接要龍之武遂教解身之冠
自結深知式分遠寄乘輅久任周五領之東西宜岸
婁空踰諸公於前後人共期於紫橐命復畀以青氍
雖平反大慰於群情豈獻納可遺於夙德寧容席煖
卽以節趨某獲保敬寒款依雲陰承流千里已逾請
代之期惜潤二天尚有承顏之便願言冲菑庸副瞻

翹

賀虔州李太尉啓

竊審寵膺恩綍榮把州麾籍甚威名洋然謳頌恭惟
某官追蹤細柳經武前茅結駟從戎功屢先於勇爵
執戈衛社忠益顯於周廬提銳旅以鷹揚掃孤城之
蟻聚智謀既運氛祲遂空緩帶輕裘少借蕃宣之重
高牙大纛卽聞慶賞之行某講服有年披瞻無日幸
託寶隣之潤聊通書驛之誠

回董梧州狀

宜海聞風恨差池於英矩州符接吟幸假借於餘波
方聆視簟之新已枉揮毫之况伏惟某官幹時良具
耀穎逸才克全白璧之名久屬素絲之節翔鸞翼鳳
駕前錄之美談佩犢帶牛革返萌之舊業少煩游刃
遂汪追鋒念引領之空勞曾論心之未便弟堅鄰好
不腆報章

盤洲文集卷第五十五



賀施察院啓

賀施察院啓

龍膺制綽進陟憲臺最天下之兩轡卓然獨步迎日
邊之一節久矣不聞夙儒既分食論相忝忝惟某官
體局方整襟靈壯堅璧韞珠藏蚤埋光於川嶽鴻軒
鳳舉即薦瑞於朝廷方正笏於多冠忽分麾於魚契
受釐宣室已深賈傳之思歛惠富州果下陸君之詔
青輶復得白簡益嚴少煩明目張膽於鸛鷺之間行
見聚精會神於槐楓之上某自聯轡電掣星霜旅
進退以無跡虛寒溫而敢問

賀陳帥生日啓

侯明星於南極聿臨見丙之期賦峻嶽之聲詩允協
生申之什祥開初度頌溢維祺恭惟某官天上謫仙
人中間氣河目乃公侯之相泥塗無甲子之疑江左
建旗良吏於是為盛嶠南揚節膺使其猶劣諸遂居
方伯之尊式賴長城之扞宣室果思於賈傳吳人難
挽於郢侯在厥初生必得其壽彼松柏四時之貴所
謂經寒而知惟龜鶴千歲之殊斯可同日而語某情
深賀厦禮萑登門有酒如澠敢介遐年之祉若金作

礪即看晉畫之榮

賀呂總領啓

榮拜制綸寵將使指聯華省戶依烏瞻列宿之文足
食屯營流馬輶白城之運郵音所暨輿誦謂宜共惟
某官超卓賦材沈深置度殞學得傳家之妙飛談馳
驚座之名既剖竹於推藩遂埋輪於劇部以經潤節
通儒稱者三人有志澄清天下號曰八俊益隆瓌望
密簡眷知凡財用之在版圖式付民曹之寄給饋餉
不絕糧道重分軍政之權即迂節趨豈容席煖某仰
高有素悅觀未降借蔭卿雲方備負於嶺表貢誠子
墨敢養喜於門闌

賀黃提刑交割啓

兼程叱馭消吉佩章善類得所依歸遠人無不忻頌
某官咀華竹素摧幹梗枿魁然見長者之風溫其有
君子之德蚤聳烏臺之望海煩龍節之行五嶺澄清
初祥刑於東表九重簡注迺易地於西偏斯拜渥恩
復臨舊部奎鄉上冢散金能洽於故人輿轎入疆持
斧載瞻於膚使即聞嚴召歸遶近班某自讀制綸即
飛慶廣庀官席蔭喜既僊于眉端指日接辭情庶披
於心曲

賀廣帥陳侍郎啓

伏審名簡帝心任密方面輕裘合北久傳峴首之碑
輿轎宅南來酌貪泉之井先聲所偃公望道歸恭惟
某官參執前良垂模後進廣庭高步仰三傑之颶芬
要路橫翔凌九臯而徹響誨方袍於槐市雖斷簡於
蓬丘列星已應放天文四牡暫煩於風力惟臯呂體
觚圖之意故閩湖有國空之隆秉筆赤墀記注爲千
古之法葩綿外野禮儀成十月之朝繇甘泉近侍之
班作裏漢上流之鎮自休間館未塞輿言方謀帥臨
黃木之灣乃起公開紅蓮之府羊仙薦祉必須執轂
而來龍戶集衙當有燕棠之聽上召則邇人留寔難
某夙際光儀猥勤題掛鳴珂相踵深慚糠粃之揚膠
柱不調所幸瑾瑜之匿偶濫移於左契度難踈於高
牙憑柔尺以播情勻和襟之納祐

賀廣漕鄭郎中啓

伏審光奉帝俞肅將使指車茵所問來休黃木之灣
印笥重開自是青輶之物積十年之遺愛踴列郡之
先聲恭惟某官德湛量陂名馳藝圃雅雅黃鍾之在
簏英英白璧之輝山八俊拔奇特表絃歌之績九重
錫對遂榮銅竹之行入贊大農進符列宿賦皇華而

諭領振漕事以裕民自奉計而歷宅官忽拜恩而臨
舊部雖木牛流馬之陳迹較然可尋豈雲龍神虎之
通閨闕而不召人勿私喜公寧久留某夙景高躋未
親餘論自聆詔綽綽謂依賴之可期偶易州塵復差池
而相失尚借光於仁里仍接盼於治臺竊圖行李之
間或有班荆之便

移福州謝趙提刑啓

輯輿空餐既大何之幸免掌閫出命願謀力之弗勝
惕拜緣言喜投樾蔭伏念某賦尋常之質闕尺寸之
長偷五嶺者八年易九坂之三組心雖黽勉初無畫
餅之虛名志欲激卬終媿貪泉之高躅恐黜幽而負
殿方請代以圖歸豈料清朝府移要屏大懼鉞刀之
鈍難求布鼓之聲行闕中天望日華而已近故鄉接
盼知風景之不殊自非塵尾品題之私安得羊角搏
扶之便此蓋某官直方厲操淳白鳴徽有更生惻極
之書得東平爲善之樂望密泚玉節峻輔金屢司發
輶之權復佩平反之寄用恩及下爲長者而折枝見
惡在前如農夫之去草時謂外臺之表人歡夏屋之
依每曲借於掄揚致疊叨於推擇某自尊山斗浸換
星霜聽言未愜於鄙悵投分已同於夙契遂殫五技

敢忘前事之師少借六條庶追後期之責

謝鄧建州啓

輯輿聖餐偶大何之獲免掌閫出命願輔力之弗勝
惕拜詔綸幸分鄰燭伏惟某官宅心端栗接物惠和
才備四科抱前良而參軌風舒六藝發妙語於抽毫
嘗鉤校乎三尺之文迺期翔乎半刺之任鑄龍班節
原隲遠有光華分虎作符朝廷深知治行籍籍綺孺
之詠駸駸筆橐之除惟平時曲借於衮褒致儒品疊
更於器使某自親風度已託歲寒樾蔭焉依嘗略六
條之問棠陰密邇復漸九里之餘

回知州賀生日狀

伏承軫託生初騁妍意表月宿南斗無片善以著稱
體號西崑有英辭之轍古高情甚渥朽質憎慚伏惟
某官論議粹醇襟靈超詣妙推時度暫分早蓋之權
清畏人知共託素絲之節夙締芝蘭之好欲光蒲柳
之襄貽之嘉音介以難老一字之踰華衮拭目難任
雙金之報綠琴覲顏何已

謝知州惠生日詩狀

誦蓼莪之篇老將至而增感介黃髮之壽禮其厚以
難任深哉謙藹采增悚汗此蓋某官德惟貴齒仁以

根心史雀鼠之訟於棠陰案無留牘攜錦續之章於
毫穎才有殘膏斯因初度之辰曲借長年之頌確然
殊雋下鱗使於長川賁以好辭追馬人之前藻剖珠
私喜報政知慚

回連大庾狀

講聞風問積有歲時獨覲面之差池每馳情而悄結
某官學元素蘊世述清埃遂彈弁於梅山又鳴弦於
花縣服勞五斗已書集鳳之能振響九臯即拜蓬蒿
之寵曲承華詒徒激鄙悵顧藏篋之翩翩慚濡毫之
草草

回州學正錄狀

竊審較評粉社立矩芹宮人皆曰然公豈自歎解元
沉潛蠹簡埋鏹螢牕未達流水之知尚屈青雲之使
朋友共惟於講習深戒繡轡老成端有於典刑遂儀
逢掖某曲迂玉趾見貴環詞第銘四益之嘆有覲七
襄之報

回何直閣狀

分麾百舉已越成期徙部七閩誤膺詔札揆譔材而
惕若倚餘潤以欣然某官冰壑照人驪淵瑞世談必
傾於一座書能讀於五車下筆掀雷從墨題平鼎級

吹蕤奪月唯黃匣平蠹籍倚歟傳聲籍甚榮路已青
冥之垂上却朱紱以退飛既聯職於道家蓬萊迺倭
眉爲諸侯賓客贊沈亦久溫蓄未據惟曲借於齒牙
致屢叨於方面合蓋簪於曩日數判袂以積年何幸
裹蹤復尋舊好驅車倍道庶瞻西祀之登掃榻聽言
敢後正堂之避

回參議賀郎中狀

分麾百輿已越成期從部七閩謨膺詔札揆劇繁而
紫抱倚仗助以信眉某官學綜九丘詞傾三峽丹青
騁步開天祿之陳編列宿垂芒賜俞麋之佳墨遂抽
簪而飛翬旋側席以旁招方退然油幕之游西昔者
繡衣之治增重外閭寔煩遠謀願是微蹤遂將竊食
介季父同年之好頃接英躋記池陽一夕之談屢更
緹律復有親仁之便可知逃責之方

代饒州守迎交代蘇尚書啓

伏審出綸法坐剖竹名邦千里心馳共仰甘泉之老
一襦顏汗異新蜀郡之謠公望所歸先聲是偃恭惟
某官稟靈江漢發彩隨和讀八索之遺書備四時之
和氣挺挺有祖風烈濟美儒先堂堂爲國光輝蜚英
庭綴自粉闥之票組入芸閣以提綱成春朝臨野之

儀批夕拜瑣門之救國有六職峻紫橐之貳卿汝作
秩宗續青氈之舊物夢刀屢矣買犢紛然難休老氏
之祠來治番君之國講德而論四子昔已作詩歛惠
以施一州今當有詔恐屈中道遂儀上京某夙企清
躋未親嘉誨鳴珂相踵自慚糠粃之揚膠柱不調或
幸瑾瑜之匿龍霜急節高蓋出關冀相鼎之當官副
簪綬之瞻瞻

賀知饒州李左司啓

易地出綸顯拜魚符之寵過家夸組甫嚴能載之程
輿誦道歸先聲是偃恭惟某官星躋隕祉月勝鑄錯
卓尔昂霄壁千仞而獨立淵乎韜世波萬頃以有容
自高鷁鷁之行不藉蚍蜉之援臺官張膽又震懾於
朝端宰士盡心竭彌綸於省闈惟今剖竹所治蓋昔
濯瓜之降斯民熟五袴之謠指日後雙旌之至恐不
席煖遂將節趨某頃綴蓬瀛管披雲霧維桑有禮知
厦屋之焉依置蒞可言異質階之與進

代程湖州謝執政啓

外史養痾方賦歸之三月輔藩代匱復沉淪於九天
班祿云初襄遲自懼伏念某學不足以要終原本才
不足以治劇劇繁鳴王要津點北門之清近懷金拱

著而西府之贊襄又休香火之庭自適山林之性制
綸橫及留鑰遣行力以疾辭曲蒙恩貸尋邯鄲之故
步偶未失之求勾漏之祕篇他非望者宣期推轂仍
使建旗性效若雲之區今作股肱之郡起家甚寵卧
治則難茲蓋伏遇某官德簡細旃望推隆棟方地關
天開之旦籍其更張念塗歌里詠之氓遴其共理當
都俞之間暇迺假借於拙疎雖鞭策其不能恐謹何
之弗免終期美蔭不累化鈞

代賀方侯相啓

渙號路朝外榮揆席家至戶曉幸聖政之一新日晏
天清見真賢之復用流傳所暨鼓舞率同恭惟某官
道溫經綸學該貫變挺松栢後凋之操抱蒼龜先見
之明編陟葵塗進參國秉間兩社而爲輔備竭贊襄
有一言以興邦益崇倚注忽遭謫口遠落靈溪孔子
居之不勝靡盬之誦周公在外競歌魚豢之詩大君
躬攬於萬機溫詔首馳於一節對揚便殿深契淵衷
夢卜協求果作巨川之楫棟梁有託大開衆正之門
方懲沸而吹鑿必解弦而調瑟宗祊道慶華裔具依
某頃綴事樞密叨蔭樞念階符之乂萬際泰道之光
亨代賈輔藩已竊貢公之喜馳神梓館莫瞻漢相之

尊

代賀湯樞密啓

疏榮綸緯冠位樞機朝登真賢人有嘉頌恭惟某官
鳳翔千仞樂奏九韶捷筆振奇飄飄有凌雲之氣清
埃擢賴赫赫千逐日以新自首中於異科即立登於
榮路身爲國史嘗書易以珥彤命作秩宗遂荷橐而
持紫入明光而起草對宣室之間神浸積簡知進居
有密淵謀入告非堯舜之道不陳遠業所期豈管晏
之功可許方朝政判東西之府而宰臣充左右之官
惟是元樞又虛高位式應魁三之象聿求第一之流
惟慳既尊何獨毀衝之折搢紳相語益觀上治之興
某舊矣仰高闕然親使承流輔郡已叨推轂之私貢
牘崇階政竊忼懷之託

代張建康賀程參政啓

願揚書贊參東化鈞惟舊德之立朝有頌聲之載路
恭惟某官學該治忽識判幾微元圭彰間出之珍喬
栢聳後凋之操凌雲霄而徹響踐台斗以結知文朱
陸離得大誥三盤之體樞機周密如神爵五鳳之時
不競急流來休綠野方萬機之躬攬宜一節之首馳
昇陪都管籥之司易輔郡股肱之寄上既久不見賈